


2015-imi suliffeqarfinni naatsorsuutit

2015-imi suliffeqarfinni naatsorsuutit


2015-imi aningaasaqarnermi ineriartornerup takutippaa kaaviiartitani 1,7 mia. kr.-inik qaffiartoqarsimasoq. Kaaviiartitat tamakkiisut 19,4 mia. kr.-iusimapput. Suliffeqarfinnilu sulisut tamakkerlutik 10.346-usimallutik. Naleqarnerulersitsineq tamakkiisumik 6,9 mia. kr.-inik annertunerulersimavoq qaffariaat 678 mio. kr.-iulluni.

Titartagaq 1. Suliffeqarfinni pingaarnertut inernerit



Suliaqarfinni ataasiakkaani naleqarnerulersitsinerup ineriartomera suliaqarfinni sulisunut naleqqiullugu takuneqarsinnaavoq. *Aningaaseriviit, aningaasaliisarfiit sillimmasiisarfiillu* sulisumut ataatsimut naleqarnerulersitsinera qaffariaateqarnerpaasimavoq.

Titartagaq 2. Suliaqarfiit malillugit sulisumut ataatsimut qaffariaatip nalingani allannguutit



Nalunaarut.: Suliaqarfik C. Aatsitassarsiorneq tabelimi ilaanngilaq.

Isumalluutit tamakkerlutik 33,4 mia. kr.-iusimapput namminerlu aningaasaatit 11 mia. kr.-iusimallutik. Isumalluutit 2,7 mia. kr.-inik qaffariaateqarsimapput namminerlu aningaasaatit 0,2 mia. kr.-inik qaffariaateqarsimallutik. Takussutissaq 1-imi suliffeqarfiit tamakkerlutit ataatsimut naatsorsuutaannut pingaarnernut tabelit takutinneqarput.


Takussutissaq 1. Suliffeqarfinnut naatsorsuutit pingaarnert, mio. kr.-inut

	2014	2015	Allannguut 2015-2014	Procentin- ngorlugu allannguut
Nalunaarsukkat inernerit				
Kaaviiaartitat	17.641	19.380	1.739	9,9
Nalikkilliliinnginnermi inernerit	2.031	2.429	398	19,6
Ingerlatsinermi angusat	877	788	-89	-10,2
Ukiuootumik angusat akileraarut ilanngutereerlugu	592	521	-71	-12,0
Naatsorsuutit oqimaqatigiissinnerat				
Sanaartormermi pigisat	22.689	24.852	2.162	9,5
Kaaviiaartitani pigisat	8.003	8.526	523	6,5
Namminerisamik aningaasaatit	10.831	11.014	182	1,7
Akiitsut	19.861	22.363	2.502	12,6
Naleqarnerulersitsineq	6.180	6.859	678	11,0
Suliffeqarfiit amerlassusaat	644	654		
Agguaqatigiissillugu ukiumut sulisut (inunnut)	9.917	10.346		

Najoqutaq: Naatsorsueqqissaartarfik, <http://bank.stat.gl/ESNRESBAL>

Sulisumut ataatsimut nalunaarsukkat akileraaruseriikkat takutippaat 2014-
imut naleqqiullugit suliaqarfinni *Aalisarnermi*, *Sanaartormermi* aammalu
Niuermi iluarsaassinermilu qaffariartoqarsimasoq. *Aalisarnermut*
suliaqarfinni sulisumut ataatsimut inernerit qaffasinnerpaasimapput, tassani
atorfilimmut ataatsimut 220 tusind kr.-iusimalluni.

Titartagaq 3. Sulisumut ataatsimut inernerit akileraaruseriikkat



Nalunaarut: Suliaqarfiit C. Aatsitassarsiorneq, J. Aningaaseriviit aammalu K. Inissianik attartortitsinerit sullissinerillu allat nalunaarsuutini ilaangillat.

Takussutissaq 2. Suliaqarfiit malillugit pingaarnertut inernerit, 2015

	Suliffeqarfiit		Kaaviaartitat	Akissarsiat, soraarnerus-sutisiat allallu	Ukiumoortumik angusat akileraarut ilanngaati-gereerlugu	Naleqarnerulersitsineq	Pigisat	Namminerisamik aningaasaatit
	Amerlassusaat	Sulisut						
Suliaqarfiit tamakkerlugit	654	10.346	19.380	4.430	521	6.859	33.377	11.014
B. Aalisarnerq	51	824	2.001	610	181	1.084	2.998	899
C. Aatsitassarsiorneq	14	37	27	25	-161	-124	771	201
D. Atortussiorneq	32	274	473	107	21	182	560	209
F. Sanaartorneq	115	1.616	1.986	634	61	811	1.291	515
G. Niuerneq iluarsaassinerlu	124	4.051	9.572	1.445	464	2.362	9.207	4.043
H. Akunnittarfiit neriniartarfiillu	32	408	340	113	9	159	358	123
I. Assartuineq	61	2.027	3.369	989	182	1.636	5.243	2.686
J. Aningaaseriviit, aningaasaliisarfiit sillimmasiisarfiillu	24	181	552	106	-3	249	8.261	1.310
K. Inissianik attartortitsinerit sullissinerillu allat	201	928	1.061	402	-234	500	4.689	1.028


Najoqqutaq: Naatsorsueqqissaartarfik, <http://bank.stat.gl/ESNRESBAL>

Sulisumut ataatsimut sulisoqarnermut aningaasartuutit suliaqarfinni *Aalisarnermi* 740 tusind kr.-iullutik aammalu *Aatsitassarsiornermi* 678 tusind kr.-iullutik annertunerpaasimapput. Suliaqarfik *Akunnittarfiit neriniartarfiillu* sulisoqarnermut aningaasartuuteqannginnerpaasimavoq, tassani atorfilimmut ataatsimut 277 tusind kr.-iusimalluni.

Suliffeqarfimmi naleqarnerulersitsineq tassaavoq ingerlatsinermi isertitat nioqqutissanik aammalu kiffartuussinerit allat ilanngaatigereerlugit. Naleqarnerulersitsineq sulisunut, aningaasaatinut, aningaasaliinernut nutaanut isumannaallisaanermullu akiliinernut atorneqartarpoq. Aammattaq suliffeqarfinni naleqarnerulersitsinerit tassaasinnaapput akissarsitsinerit tamakkiisut aammalu sinneqartoorutit ilanngaateqanngitsut.

Titartakkami 4-miippoq qaffariaatip nalinga suliffeqarfiit malillugit. *Aalisarnermut* suliassaqarfimmi naleqarnerulersitsinermi qaffariaat 678 mio. kr.-iulluni annertunerpaasimavoq, *Niuverneq iluarsaassinerlu* tulliulluni 394 mio. kr.-inik suliaqarfik qaffariaateqarsimavoq. *Inissianik attartortitsinerit sullissinerillu allat* suliaqarfianni appariaat 184 mio. kr.-iulluni annertunerpaasimavoq.

Titartagaq 4. Suliaqarfiit malillugit qaffariaatip nalinga



Najoqqutaq: Naatsorsueqqissaartarfik, <http://bank.stat.gl/ESNNGI>

Kisitsisit pingaarnert

Suliffeqarfinni naatsorsuutit kisitsisinik pingaarnernik assigiinnigitsunik naatsorsuisinnaanernik suliaqarfiit ataatsimut aningaasaqarnikkut ineriartornerannut takussutissiinnaasunik periarfissiivoq.

Takussutissaq 3. Suliaqarfiit malillugit suliffeqarfinnut kisitsisit pingaarnert

	Iluaanarutit annertussusaa		Sinneqartoorutit annertussusaa		Akiliisinnaassuseqarnerup annertussusaa (ratio)		Annaasaqarnermi akiliisinnaassutsip annertussusaa	
	2014	2015	2014	2015	2014	2015	2014	2015
Suliaqarfiit tamakkerlugit	3,0	2,5	5,0	4,1	1,2	1,1	35,3	33,0
B. Aalisarneq	9,1	11,4	13,5	15,7	1,9	1,6	29,7	30,0
C. Aatsitassiorneq	-4,2	-20,3	-69,3	-601,3	2,9	1,0	48,4	26,1
D. Atortussiorneq	3,7	5,3	4,4	7,0	1,3	1,2	39,8	37,4
F. Sanaartorneq	2,3	8,7	1,8	5,7	1,6	1,5	43,8	39,9
G. Niuertunik pilersuineq atugassanillu nioqquteqarneq	3,8	6,5	3,7	6,1	1,2	0,9	42,3	43,9
H. Akunnittarfiit neriniartarfiillu	4,7	6,0	6,7	7,0	0,8	0,9	31,9	34,5
I. Assartuineq	5,1	5,9	7,0	8,4	1,2	1,8	54,8	51,2
J. Aningaaseriviit, aningaasaliisarfiiit sillimmasiisarfiiillu	-0,3	0,6	-2,9	7,8	-	-	19,1	15,9
K. Inissianik attartortitsinerit sullissinerillu allat	2,3	-9,6	9,6	-42	0,7	0,8	26,2	21,9

Nalunaarut: Akiliisinnaassutsip annertussusaa suliaqarfinni Aningaaserivinni aningaasaliisarfinnullu suliarineqanngilaq.

Iluanaarutit annertussusaat tassaavoq pisassarisanut naleqqiullugu akileraaruseriikkamik inernerat, tamanna nammineq akiliisinnaassutsimut kisitsisaavoq pisassarisat nalingini iluanaarutissanik takutitsisoq. 2015-imi *Aalisarnermi* suliaqarfiup iluanaarutissaata annertussusaa qaffasinnerpaasimavoq, tassani suliaqarfiit *Aatsitassarsiorneq* aammalu *Inissianik attartortitsinerit sullissinerillu allat* iluanaarutissaat pitsaanngitsumik inernejarsimallutik aatsitassarsiornikkut sulianik nalikilliliinernik/appartitsinernik imaluunniit misissueqqaarnerni aningaasartuutit qaffasippallaarsimaneramik peqquteqartumik.

Sinneqartoorutit annertussusaat iluanaaruteqarsinnaanermut tunngassuteqarput suliffeqarfiullu kaaviiartitamini sinneqartooruteqarnissaminut piginnaassusaanik takutitsisuulluni. Takussutissaq 3-mi takuneqarsinnaavoq 2015-imi suliaqarfiit *Aatsitassarsiorneq* aammalu *Inissianik attartortitsinerit sullissinerillu allat* sinneqartoorsinnaanerisa annertussusii pitsaanngitsumik inernejarsimasut tamanna aatsitassarsiortitsisuni misissueqqaarnermilu suliaqartuni annertuumik nalikilliliisimanernik/appartitsisimanernik pingaartumik peqquteqarpoq. *Aalisarnermilu* suliaqarfiup sinneqartoorutaata annertussusaa qaffasinnerpaasimavoq, sinneqartoorutit annertussusaat 15,7 pct.-imiissimalluni.

Akiliisinnaassuseqarnerup annertussusaata takutippaa qanoq annertutigisumik akileeqqusissutit annertunngitsut akuerineqarsinnaanerat. Akiliisinnaassuseqarneq kaaviiartitani pisassarisat akiitsunut piaartumik akilernejartussanut naleqqiullugu kisinneqarpoq. 2015-imi akiliisinnaassuseqarnerup annertussusaa 2014-imut naleqqiullugu ajorpallaanngitsumik allanngorarsimanngilaq. Tassani nalunaarsukkat qaangerlugit 1,1-imi inissisimavoq tamannalu suliffeqarfiit piaartumik akilersuisussaataitanerminnut naammassinnissinnaanerannik isumaqarpoq. Suliaqarfinnili ataasiakkaani naatsorsuutigineqartoq 1-imik appasinneruvoq.

Annaasaqarnermi akiliisinnaassutsip annertussusaa suliffeqarfiup annaasaqarnermi akuersaarinnissinnaanermut piginnaasaanik takutitsivoq. Annaasaqarnermi akiliisinnaassutsip annertussusaa namminerisamik aningaasaatit pisassarisanut tamanut namminerisamik aningaasaatinik aningaasaliiffigineqarsimasunut naleqqiullugit kisinneqarput. Annaasaqarnermi akiliisinnaassutsip annertussusaa appasippat nutaanik taarsigassarsinissaq aamma ajornakusoornerusinnaavoq. Suliaqarfiit tamakkerlutik annaasaqarnissamut akiliisinnaassusiisa annertussusaat 33 pct.-inik annertuneruvoq. Tamanna pisassarisat tamakkerlutik pingajorarterutaasa namminerisamik aningaasaatit atorlugit aningaasaliiffigineqarsimanerannik isumaqarpoq.

Nalunaarsuutit tunngaviusut atornissaannullu piareersarneri

Suliffeqarfinni naatsorsuutit tassaapput piginneqatigiiffinni, aktianik piginneqatigiiffinni aammalu suliffinnilu tunisisartut pisisartulluunniit peqatigiillutik piginneqatigiiffinni aningaasaqarnikkut pissutsit kisitsisitigut paasissutissaat. Suliffeqarfiit allat, assersuutigalugu suliffeqarfiit inummit ataatsimit pigineqartut, aningaasaateqarfiit assigisaallu, ilanngunneqanngillat.

Kisitsisitigut paasissutissani misissukkat amerlassusaat Inuussutissarsiummik Ingerlataqartunik Nalunaarsuiffimmit (GER-imit) aammalu Akileraartarnermut Aqutsisoqarfiup suliffeqarfinnut allattuiffianit aaneqarput. Kisitsisitigut paasissutissani suliffeqarfiit inatsisitigut akuersissutigineqarluni inissisimaffiat, sulianut tunngatillugu inissisimaffiunngitsoq, malillugu ilanngunneqarput. Assersuutigalugu suliffeqarfik inatsisitigut akuerineqarluni suliaqarfimmi ataatsimi nalunaarsorsimasinnaavoq, kisiannili suliaqarfinni assigiinngitsuni sulianik ingerlatsisinnaalluni. Suliffeqarfinnut naatsorsuutini suliffeqarfik suliaqarfimmut inatsisitigut akuerineqarluni nalunaarsugaaffigisimasaanut naatsorsorneqarpoq.

2015-imi suliffeqarfinnut naatsorsuutini piffissami 1. maaji 2015-imit 30 .apriili 2016-imut naatsorsuutit naammassineqarsimasut ilanngunneqarput. Suliffeqarfiit naatsorsuutaat Det Centrale Virksomhedsregister-imit (CVR) aammalu Akileraartarnermut Aqutsisoqarfimmit aaneqarput. Ilaatigooriarluni aningaasat kaaviiartitat nioqqutissanillu atuinerit pillugit paasissutissanik aallertoqarsinnaasimangilaq. Taamaattumik suliffeqarfiit taakku ukiut siulii aammalu akissarsiat suliaqarfiullu aningaasartuutai tunuliaqutaralugit missingersorneqarput. Takussutissami 4-imi takuneqarsinnaapput suliffeqarfiit ilanngunneqanngitsut, suliaqarfiit malillugit.

Takussutissaq 4. Suliaqarfiit malillugit kisitsisitigut paasissutissani amigaatit agguaanneri

	2011	2012	2013	2014	2015
	Amerlassusaat				
B. Aalisarnej	-	-	-	-	-
C. Aatsitassiomeq	1	-	1	-	-
D. Atortussiomeq	1	1	1	-	-
F. Sanaartorneq	5	6	5	2	-
G. Niuertunik pilersuineq atugassanillu nioqquteqarneq	-	1	3	2	-
H. Akunnittarfiit neriniartarfiillu	-	-	-	-	-
I. Assartuineq	2	-	-	1	-
J. Aningaaseriviit, aningaasaliisarfiit sillimmasisarfiillu	2	-	1	-	-
K. Inissianik attartortitsinerit sullissinerillu allat	3	1	2	-	-
Suliaqarfiit allat	-	-	-	1	-
Ukiumut ataatsimut tamakkerlugit	14	9	13	6	-

Suliffeqarfinnut naatsorsuutini suliffeqarfiit amerlassusaat ukiunut agguaallugit ukiumilu ataatsimi amerleriarneri ikileriarneri takussutissaq 5-imi aammalu 6-imi takuneqarsinnaapput.

2015-imi qallunaanit/nunanit allanit immikkoortortaqaarfiit 22-t ilanngunneqarput, suliffeqarfillu ataatsimut 937 mio. kr.-nik pisassarisaqarsimapput. Suliffeqarfiit suliaqarfinnut pingaarnernut F-mut, G-mut, I-mut J-mut K-mullu agguanneqarput annerpaallu suliaqarfinni *Aningaaseriviit, aningaasaliisarfiit sillimmasiisarfinni* aammalu *Niuernermi Iluarsaassinermilu* inissisimapput.

Takussutissaq 5. Suliffeqarfiit amerlassusaat

	2011	2012	2013	2014	2015
	Amerlassusaat				
B. Aalisarneq	46	44	41	48	51
C. Aatsitassiorneq	13	14	13	12	14
D. Atortussiorneq	37	32	33	34	32
F. Sanaartorneq	117	119	113	117	115
G. Niuertunik pilersuineq atugassanillu nioqquteqarneq	123	131	127	124	124
H. Akunnittarfiit neriniartarfiillu	37	36	33	32	32
I. Assartuineq	55	52	56	56	61
J. Aningaaseriviit, aningaasaliisarfiit sillimmasiisarfiillu	32	32	27	24	24
K. Inissianik attartortitsinerit sullissinerillu allat	207	204	203	197	201
Suliaqarfiit allat	26	24	19	37	45
Tamakkerlugit, suliffeqarfiit amerlassusaat	693	688	665	681	699
Suliffeqarfiit annertussusaat	707	697	678	687	699
Misissukkat procentinngorlugit.	98	99	98	99	100

Takussutissami 6-imi takutinneqarput ukiumi pineqartumi suliaqarfinni ataasiakkaani suliffeqarfiit amerlassusaat ukiumut kingulianut sanilliullugit. Suliaqarfinni allani suliffeqarfiit amerlassusaat suliaqarfinni pingaarnerni qulingiluaasuni inissisimanngitsut takutinneqarput. Suliffeqarfiit uninngasut imaluunniit sulianik ingerlataqanngitsut aamma tassunga immikkoortinneqarput.

Takussutissaq 6. Suliffeqarfiit amerleriarneri ikileriarneri, ilanngunneqanngitsut ilanngaatigereerlugit

	2011	2012	2013	2014	2015
	Amerlassusaat				
B. Aalisarneq	0	-2	-3	7	3
C. Aatsitassiorneq	1	1	-1	-1	2
D. Atortussiorneq	3	-5	1	1	-2
F. Sanaartorneq	-8	2	-6	4	-2
G. Niuertunik pilersuineq atugassanillu nioqquteqarneq	6	8	-4	-3	0
H. Akunnittarfiit neriniartarfiillu	4	-1	-3	-1	0
I. Assartuineq	2	-3	4	0	5
J. Aningaaseriviit, aningaasaliisarfiit sillimmasiisarfiillu	-1	0	-5	-3	0
K. Inissianik attartortitsinerit sullissinerillu allat	13	-3	-1	-6	4
Suliaqarfiit allat	3	-2	-5	18	8
Amerleriarneri ikileriarneri	23	-5	-23	16	18

Nalunaarsuutit tunngaviusut nalilersorniarlugit suliffeqarnermut naatsorsuutini sulisut amerlassusiisa paasissutissaat Suliffeqarnermut kisitsisitigut paasissutissani ukiumut sulisut amerlassusaannut naleqqiullugit

misissorneqarput, inuussutissarsiornermi ingerlatat qanoq annertutigisut suliffeqarfinnut naatsorsuutini matussuserneqarsimanersut takuniarlugit. Ataani takussutissami 7-imi misissukkat annertussusaat takuneqarsinnaavoq.

Takussutissaq 7. Suliffeqarnermut naleqqiullugit suliffeqarfiit amerlassusaat

	2011	2012	2013	2014	2015
	Procentinngorlugu				
B. Aalisarnej	41	39	34	59	70
C. Aatsitassiornej	3	10	14	103	75
D. Atortussiornej	62	41	42	67	81
F. Sanaartorneq	76	79	83	85	80
G. Niuertunik pilersuineq atugassanillu nioqquteqarneq	78	72	78	79	81
H. Akunnittarfiit neriniartarfiillu	63	52	52	51	48
I. Assartuineq	75	73	76	75	75
J. Aningaaseriviit, aningaasaliisarfiit sillimmasisarfiillu	92	99	103	68	86
K. Inissianik attartortitsinerit sullissinerillu allat	62	54	59	54	58

Nalunaarut: Ukiumoortumik naatsorsuutini sulisut amerlassusaannut nalunaarsuutit aammalu suliffeqarnermi kisitsisitigut paasisutissani sulisunut nalunaarsuutit assigiinngissuteqarsinnaapput, ilaatigooriarluni tamanna misissukkat amerlassusiisa procentinngornerini 100-t anginerusumik inerneqarsinnaalluni.

Suliaqarfinni assigiinngitsuni misissukkat amerlassusaannut tunngatillugu takuneqarsinnaapput suliaqarfinni *Sanaartorneq aamma Niuerneq Iluarsaassinerlu* aammalu *Assartuiner*mi suliffeqarfiit misissukkat annertussusaat qaffasinnerusut suliaqarfinnilu *Akunittarfiit Neriniartarfiillu* aammalu *Inissianik attartortitsinerit sullissinerillu allat* misissorneqarnerisa annertussusaat appasinnerulluni. Suliaqarfiillu taakku tassaapput inummik ataatsimik piginnittullit, soorlu namminersorlutik aalisartunik piniartunillu il.il., amerlanerusunik imaqtut.

Periaaseq

Piareersaaner

mi anguniagaavoq Misissueqqissaarnissamut periarfissanut immikkoortumi aningaasartuutitut allattorsimasunut assingusunik naatsorsuiner

mi kisitsisinik pilersitsinissaq.

Piareersarnej killiffilersukkamik ingerlanneqarpoq:

Suliffeqarfiit ataasiakkaat paasisutissaat suliaqarfiit GER normullu ataani aningaasartuutitut assigiinngitsunut agguanneqarput.

Paasisutissat databasemut nuunneqarput.

Paasisutissat aaneqarput suliaqarfinnullu pingaarnernut katiterneqarlutik.

Suliffeqarfinni naatsorsuutini saqqummersitsiner

mi siunertaavoq inuussutissarsiorfinni assigiinngitsuni soorlu piginneqatigiiffinni, aktianik piginneqatigiiffinni? aammalu tunisartut pisisartulluunniit peqatigiillutik piginneqatigiiffiini aningaasaqarnikkut ineriartorneq ataatsimut saqqummiunnissaat. Suliffeqarfiit allat assersuutigalugu inummik ataatsimik piginnittullit, suliffeqarfiit ataatsimit amerlanerusunit piginnittullit,

aningaasaateqarfiit, peqatigiiffiit, pisortat suliffeqarfiutaat il.il. ilanngunneqanngillat. Suliffeqarfinni naatsorsuutini anguniagaavoq inuussutissarsiornerup sapinngisamik pitsaanerpaamik misissorneqarnissaa taamaattumik ungasinnerusoq eqqarsaatigalugu nalunaarsuutit tunngaviusut pitsanngorsarnissaannut sulisoqarpoq, taamaasilluni suliffeqarfiit allat naatsorsuutini ilanngunneqarsinnaalissammata. 2014-imiit qallunaanit nunanilu allanik suliffeqarfiit immikkoortortaqarfii ilanngunneqarput.

Saqqummersitami Kalaallit Nunaanni suliaqarfinnut uuttuutit taaguutaanni GB 2000 malillugu suliaqarfiit pingaarnerit qulingiluat misissorneqarput.

Saqqummersitami suliaqarfiit pingaarnerit qulingiluat Kalaallit Nunaanni suliaqarfinnut uuttuutit taaguutaanni B-mit R-mut inissisimasut misissorneqarput. Suliaqarfik pingaarneq A kisitsisitigut paasisutissani ilanngunneqanngilaq piffissami 2010-mit 2015-imut suliaqarfimmi sulianik ingerlatsisoqarsimanngimmat. Taamatutaaq suliaqarfiit pingaarnerit *M. Ilinniartitsineq, N. Peqqinnissaqarfiit isumaginninnermilu sullissiviit, O. Ornittakkat, isumaginninnermi inunnullu ataasiakkaanut sullissiviit allat* malunnaarsaarnaq pequtigalugu ilanngunneqanngillat.

2015-imi suliffeqarfinni naatsorsuutitut immikkoortumi pingaarnertut inernerit saqqummiunneqarput Misissueqqissaarnissamullu periarfissat immikkoortuani kisitsisit kisitsisinut pingaarnertut misissueqqissaarnernullu kisitsinermi qanoq atorreqarsinnaanerini assersuuteqartoqarpoq.

Nalunaarsuutitut tunngaviusunut atornissaannullu piareersarnermut immikkoortumi nalunaarsuutit taakkulu piareersarneri allaaserineqarput kingornatigullu Taaguutit Nassuiaatillu taaguutitut nassuiaatinullu immikkoortumi tulleriaarneqarput. Suliaqarfiit immikkoortiterneri suliaqarfiit immikkoortiterneritut immikkoortumi takuneqarsinnaapput.

Pisassarisat tunisassiornerlu kattunnermi pisiarineqarnermiluunniit suliaqarfimmut allamut nuunneqarsinnaapput tunisassiornerlu ingerlatseqatigiinnit suliaqarfimmi pingaarnermi allamiittunit ingerlatseqatigiinnit taarserneqarsinnaalluni.

Taaguutit nassuiaatillu

Suliffinni naatsorsuutini taaguutit atorreqartut spørgeskemami allaqqasunik tunngaveqarput. Spørgeskemami nittartakkatsinni uani: www.stat.gl -imi aaneqarsinnaavoq.

Kaaviiartitat: Suliffeqarfiup suliani ingerlataani pingaarnerni nioqutissanik tuniniaanermi sullissinernilu isertitat. Sulianik nammineerluni akilikkanik aamma imaqqarpoq.

Ingerlatsinermi isertitat allat: Isertitat pingaarnertut ingerlatsinermut attuumassuteqanngitsut, soorlu ilinniarnermut atatillugu suliffimmiittoqarnermi tapiissutit tigussaasunillu sanaartornermi pigisani sinneqartoorutit.

Nioqqutissanik atuineq: Atuineq kaaviiartitanut ilaatinneqartoq. Tassaniipput nioqqutissiassanik, nioqqutissanik ineriikkanik aammalu toqqorsivinni allannguinerit.

Akissarsiat, soraarnerussutisiat allallu: Akissarsianut soraarnerussutisiassanullu aningaasartuutit aammalu sulogarnermut aningaasartuutit allat.

Appartitsinerit nalikilliliinerillu: Ukiumi pineqartumi tigussaasunik tigussaannngitsunillu sanaartornikkut pigisani nalikilliliinerit appartitsinerillu.

Nalinginnaasumik aningaasartuutit allat: Ineqarnermut akiliutinut, annikitsunik pisatartaarnernut, sinniisuusartut allaffiinut, piffissami sivisuumi attartornernut atortunullu nammineq piginnngisanut atuinernut, aningaasartuutinut avataaneersunut allanut aningaasartuutit, taamatuttaaq aningaasartuutinut ilanngunneqarput aningaasartuutit pingaaruteqannginnerusut.

Aningaasaqarnikkut isertitat: Erniat, pappiaqqanit aningaasanik nalilinnit nunanilu allani taarsigassarsisitsinernit iluanaarutit, aktiaatinit piginneqataanermilu iluanaarutit il.il.

Aningaasaqarnikkut aningaasartuutit: Erniat, pappiaqqanik aningaasanik nalilinnik nunanilu allani taarsigassarsisitsinerni nalikilliliinermi annaasat, tuniniaasup akissarsiassaanut toqqorsivinnullu aningaasartuutit il.il.

Naleqarnerulersitsineq: Kaaviiartitat ingerlatsinermilu isertitat allat nioqqutissanik sullissinernillu atuinermut aningaasartuutit ilanngaatigereerlugit. Naleqarnerulersitsineq allatut taallugu tassaavoq suliaqarfimmi nalilinnik pilersitsineq.

Sanaartornermi pigisat: Aningaasaatit pineqartut suliffeqarfimmi ataavartumik piginnittuunissamut atuisuunissamullu aalajangersagaapput, assersuutigalugu illunut, maskiinanut, pisattanut, teknikikkut atortunut, akuersissutinut aammalu qarasaasiami programminut najoqqutassanullu.

Kaaviiartitani pigisat: Nioqqutissanut toqqorsiviit, aningaasaatini tigorianaanni pigisat, tuniniaanermi pisassat pappiaqqallu aningaasanik nalillit.

Namminerisamik aningaasaatit: Piginnittut aningaasaatini aggugarsiaasaat. Pigisat tamakkerlugit illuartitat akiitsullu ilanngaatigalugit kisinneqarpoq.

Illuartitat: Pisussaaffiit, annertussusaat imaluunniit piffissaq akiliiffissaq kingulleq qularnaarlugu ilisimaarineqanngitsoq, assersuutigalugu

akileraarutit kinguartinneqarsimasut aammalu soraarnerussutisiassanut pisussaaffiit.

Akiitsut sivisuumik akilersugassat: Akiitsut ukioq ataaseq sinnerlugu akilerneqartussat, assersuutigalugu taarsigassarsiat tullerriaakkat.

Akiitsut piaartumik akiligassat: Akiitsut ukiup ataatsip ingerlanerani akilerneqartussat.

Aningaasaliinerit: Sanaartornermi pigisani amerleriarnarit ikileriarnerillu, soorlu illuutini (toqqaviit, illut il.il.), ingerlatsinermi atortuni (maskiinat, qamutit, pisattat il.il.) pigisanilu tigussaannngitsuni (qarasaasiami programmit najoqqutassallu il.il.). Amerleriarnarni nalikilliliinnginnermi pisinermi akinik naleqqussaanernillu allanit naatsorsorneqarput, pisianillu aammalu nammineq piginnngisanik attartornermi pigisanik aamma imaqarlutik.

Sulisut: Akissarsiaqarlutik suliffeqarfimmi sulisut. Ukiumoortumik amerlassusaat.

Nammineq aningaasaatinik ernialersuineq = (Akileraarusereerlugit inernerit/Agguaqatigiissillugu nammineq aningaasaatit)*100. Uani agguaqatigiissillugu nammineq aningaasaatit kisinneqarput (aallartinnerani nammineq aningaasaatit + naalernerani nammineq aningaasaatit)/2.

Sinneqartoorutit annertussusaat = (Nalinginnaasumik inernerit/Kaaviiartitat)*100.

Annaasaqarnermi akiliisinnaassutsip annertussusaa = (Nammineq aningaasaatit/Pigisat tamakkerlugit)*100.

Akiliisinnaassuseqarnerup annertussusaa (Current ratio) = (Kaaviiartitani pigisat/Akiitsut piaartumik akiligassat)

Pisassani kaaviiartitat ingerlaarnerat = Kaaviiartitat ilannganneqareersut / Agguaqatigiissillugu pigisat.

Suliaqarfiit immikkoortiterneri

Tabelit suliaqarfinnut immikkoortiterini Kalaallit Nunaanni suliaqarfinni uuttuutitut taaguutini GB2000-imi pingaarnertut immikkoortiterinerit malinneqarput suliaqarfiillu pineqartut tassaapput:

Suliaqarfik pingaarneq B. Aalisarneq, suliaqarfinnik 050100-050201 –nik matussusiisoq.

Suliaqarfik pingaarneq C. Aatsitassarsiorneq, suliaqarfinnik 111000-145000 –nik matussusiisoq.

Suliaqarfik pingaarneq D. Atortussiorneq, suliaqarfinnik 151120-372000 –nik matussusiisoq.

Suliaqarfik pingaarneq F. Sanaartorneq, suliaqarfinnik 451100-455000 –nik matussusiisoq.

Suliaqarfik pingaarneq G. Niuerneq iluarsaassinerlu, suliaqarfinnik 501010-527490 –nik matussusiisoq.

Suliaqarfik pingaarneq H. Akunnittarfiit neriniartarfiillu, suliaqarfinnik 551110-555200 –nik matussusiisoq.

Suliaqarfik pingaarneq I. Assartuineq, suliaqarfinnik 602100-642000 –nik matussusiisoq.

Suliaqarfik pingaarneq J. Aningaasaateqarfiit, aningaasaliisarfiit sillimmasiisarfiillu, suliaqarfinnik 651100-672090 –nik matussusiisoq.

Suliaqarfik pingaarneq K. Inissianik attartortitsinerit sullissinerillu allat, suliaqarfinnik 701100-748490 –nik matussusiisoq.

Ilisarnaatinut nassuiaatit:

... Paasisutissat pigineqanngillat

.. Paasisutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

* Kisitsisaagallartoq kisitsilluunniit eqqoriarneqartoq

Saaffissaq

Daniel Schütt

E-mail: Dasc@stat.gl

Suliffeqarfinni naatsorsuutit

Grønlands Statistik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

www.stat.gl · e-mail: stat@stat.gl

